

BULETIN ICAN

UiTM NEGERI SEMBILAN
NOVEMBER 2023

**PROGRAM "UNITE FOR HUMANITY" MENGGALAKKAN
SEMANGAT GENERASI MUDA MENJADI AHLI
SUKARELAWAN**

*Siti Aishah Mohd Shafie, Noorezatty Mohd Yusop, Nuralina Azlan,
Nor Akmal Md Noh.*

**KESINAMBUNGAN KERJASAMA ERAT ANTARA UiTM
CAWANGAN NEGERI SEMBILAN DAN HOSPITAL PAKAR
CMH SEREMBAN BAGI PENGANJURAN PROGRAM
BERASASKAN KESIHATAN**

Siti Syaida Sirat, Ahmad Husaini Mohamed & Jamil Mohamed Sapari

**PROGRAM UiTM ALUMNI FUN RUN 2023 CAWANGAN
NEGERI SEMBILAN**

*Asmahanim Binti Haji Mohamad Yusuf, Nur Hafizah Abdul Khalid, Nur Amirah Nabihah
Zainal Abidin, Fatin Aliyah Binti Hasan, Mohd Nur Fitri Bin Mohd Salim*

eISSN 2811-3802



9 7 7 2 8 1 1 3 8 0 0 8

Program Keeperku Bersama Zoo Negara

**MOHD FAIZ ISMAIL, NORASHIKIN MOHD MOKHTAR, FARIHAH HASSAN,
& MOHAMED FAJIL ABD BATAU**

Pada tarikh 24 Jun 2023, hari Sabtu telah diadakan program khidmat masyarakat pelajar bersama pihak zoo negara. Program diadakan di zoo negara, Ampang Selangor dan dianjurkan oleh pelajar Semester 5 ADM599 kursus Etika Korporat (Kelas A, B, C, D, E) Ijazah Sarjana Muda Pentadbiran Korporat (Kepujian) Fakulti Sains Pentadbiran dan Pengajian Polisi UiTM Seremban 3. Ia dilaksanakan secara fizikal dan ianya disertai oleh 137 orang yang terdiri daripada pelajar semester 5 Ijazah Sarjana Muda Pentadbiran Korporat dan 4 orang pegawai pengiring dari kalangan pensyarah iaitu Puan Fariha binti Hassan, Encik Mohd Faiz bin Ismail, Dr. Mohamed Fajil Abd Batau dan Puan Norashikin binti Mohd Mokhtar. Segala urusan berkaitan program diuruskan oleh ketua projek dari kalangan pelajar bersama pegawai yang bertanggungjawab dari pihak zoo yang bernama Puan Yusma Yusoff.

Objektif penganjuran program ini adalah berikutan dengan penetapan dalam markah berterusan kerja kursus sebanyak 30 peratus dari keseluruhan markah penilaian pelajardengan menjalankan program khidmat masyarakat yang bersesuaian dan selari dengan aktiviti SULAM. Program 'Service-Learning Malaysia University for Society' (SULAM) merupakan satu kaedah pengajaran dan pembelajaran yang menggabungkan objektif pembelajaran kursus dengan khidmat komuniti yang mana melibatkan pelajar berinteraksi dengan komuniti bagi menyelesaikan permasalahan setempat dengan menggunakan pengetahuan dan kemahiran yang mereka pelajari di kelas. Selain itu ia bertujuan meningkatkan ilmu pengetahuan bagi Mahasiswa/i tentang spesies terancam dan kepentingan mengambil berat akan alam semulajadi, memberi peluang kepada Mahasiswa/i untuk menyumbang secara aktif dalam penambakan dan pembersihan tempat tinggal haiwan zoo dengan mengambil bahagian dalam aktiviti 'hands on'. Disamping itu ia juga juga untuk memupuk dan meningkatkan nilai etika dan moraliti yang tinggi dalam diri mahasiswa FSPPP. Program ini memfokuskan kepada aktiviti pembersihan dan penjagaan tempat haiwan zoo di Zoo Negara Malaysia.

Pada hari program, pelajar telah diminta untuk berkumpul di Marquee Tent, UiTM Seremban 3 seawal jam 6.30 pagi. Bas mula bergerak pada pukul 7 pagi setelah pegawai pengiring memastikan semua pelajar mencukupi dan telah sampai di zoo Negara pada pukul 8 pagi. Setibanya di lokasi program, kesemua pelajar diminta untuk berkumpul untuk mendengar penyampaian taklimat dan kata kata aluan, taklimat keselamatan, dan juga pembahagian sukarekarelawan dari pihak zoo. Aktiviti bermula sekitar jam 8.30 pagi dan berhenti untuk rehat dan sarapan pagi pada jam 10 pagi. Seterusnya aktiviti bersambung dan tamat pada jam 12 tengah hari. Aktiviti terakhir adalah sesi pemberian cendera hati dari pihak penganjur kepada pihak zoo dan juga sesi bergambar. Pada jam 12.30 tengahari bas mula bergerak meninggalkan zoo negara pulang ke Uitm Seremban dan tiba pada di kampus Seremban pada jam 1.30 tengah hari.



Sesi taklimat dari pihak zoo



Aktiviti-aktiviti di zoo



Sesi bergambar



Penyampaian cenderahati kepada pihak zoo daripada penganjur